

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Verna - A Dominica Septuagesimae, ad Dominicam SS. Trinitatis

**Haineuve, Julien**

**Coloniæ Agrippinæ, 1665**

Feria 5. De charitate, quæ non excidit, & quæ appareat in Christo  
remanente nobiscum, sicut promisit: Ecce ego vobiscum sum. Melius erat  
viam Justitiæ non introisse, quàm retroisse.

**urn:nbn:de:hbz:466:1-44214**

*L. de Pro.* Dominus, quis dilictionem Dei non habet in vobis. Apud enim Salvianus: si pro arbitrio sua servus Dominis obtemperant, ne in iis quidem, in quibus obtemperaverint, obsequuntur. Quando enim servus ex Domini iussis ea facit tantummodo quae vult facere, iam non Dominicam voluntatem implet, sed suam.

*Iij. R.* Et quidem quod uno solo mortali, tota intereat habitualis caritas, nulli unquam dubium fuit: quod verò actualis etiam pereat, sic facile intelligi potest, ut quamdiu quis in mortalí est, nihil ex caritate faciat, nihil propter Deum operetur, nisi prius respiccat; atque in gratiam cum ipso redeat. *Vade prius reconciliari.* *LAVAMINIS mundi estote, & venite.* Salviani verò dictum, quod est in praxi frequentius, sic expendi potest & urgeri: si qui nollent, qui certè multisunt, si qui nollent, inquam, furari, mœchari, occidere, aut graviora legis violare, ne scilicet Deum offendant quem colunt & diligunt, nec tamen reverentur detrahere, aut immundis immorali cogitationibus, non illi Deum colunt, non illum diligunt ullo modo, non possunt dici propter Deum non furari aut non mœchari, nulla proflus in eis caritas, quæ tota perire vel in derestatione, vel in immunda cogitatione, aut alio simili quovis peccato: *Si quis diligit mundum, non est charitas Patris in eo:* Quod sepe etiam in venialibus accidit, ut cum quis propter Deum ab omnibus culpis abstinere paratus est, præter unam, à nullis ipse abstinet propter Deum, nulla est ejus charitas in evitandis culpis: non propter Deum veter-

*p. Ioan. 2.*

tem, illas evitat; nam & hanc unam, quam excludit, evitaret, cum perinde ac alias esse à Deo vetitam non ignoret.

Non propter Labanum sacerum, Jacob diligebat Rachelem conjugem, quia sic dilexit: Liam, quæ erat Labani filia, sicut Rachel.

*Geh. 19.*

Nec propte Jacobum patrem, filii ejus diligebant fratrem suum Benjaminiūm, quia sic dilexerunt fratrem suum Josephum, qui non minus erat patri causa us quam Benjaminus. Sic planè ne tibi palpes, quod diligas aliquid

*Ibid. 44.*

propter Deum, si non id omne diligis quod diligit; ne tibi persuadeas te amare justitiam auctore Dei, quod nulli velles facere injuriam, nisi sic ames veritatem & castitatem ut nullum proflus mentis velis mendacium, nec ullum contra puritatem cordis nævum admitteres; nam si Deus amat justitiam, amat & veritatem, amat & castitatem; & qui veit in justitiam, veit mendacium & omnem inimicitiam. *Preteritis judicium & charitatem Dei.* Hec autem oportuit sacere, & illa non omittere. O quam multis hæc dicta sunt! O quam pauci recogitant! O quale motivum pæfessionis in omnibus, quod nulla sit charitas nisi tota; nulla in singulis, nisi tota in omnibus. Vigilate, state in fide, *1. Cor. 16.* viriliter agite, & confortamini, omnia vestra in charitate fiant. Vide in 1. parte, in festo Purificationis, ubi hæc expresa declaratur Veritas;

*Luca 11.*

Qui à lege excludit aliquid, excludit à se totam legem.

*1. Cor. 16.*

## FERIA QVINTA. DE CHARITATE QUÆ NON EX- cidit:

*Et qua apparet in Christo remanente nobiscum,  
sicut promisit his verbis:*

*Ecco ego vobiscum sum, omnibus diebus, usque ad consummationem seculi.*  
*Mattha. 28.*

VERITAS



VERITAS PRACTICA.

Melius erat viam iustitiae non introisse,  
quam retroisse.

Ratio hec est inter alias, quia ubi major est Dei  
contemptus, ibi gravius est malum. & hoc  
melius est evitare quam quod est minus.

Sed major est Dei contemptus, retroire quam non  
introire viam iustitiae.

Ergo melius erat non introisse quam retroisse.

Quod non modò de apostatis & delecto-  
ribus fidei seu Religionis dicitur; sed de iis  
etiam, qui à via perfectionis & charitatis  
quam inierant, excludunt.

I. PUNCTUM.

Quæ postrema sunt Christi Domini ad  
discipulos verba, postremam chari-  
tatis proprietatem, qua dicitur non ex-  
cidere, clare demonstrant. Quid est enim  
dum à nobis recedit, nobiscum semper esse, nisi  
eam habere & exercere charitatem, quæ nul-  
lo unquam temporum aut locorum spatio  
deficiat, sed perinde ac si præfens esset, ut certè  
Divinitate nunquam abeat, sic charitate &  
beneficio nunquam non prosequi, nunquam  
non adesse?

Cum autem multi sint modi, quibus uni-  
versim, Ecclesiam suam, seu in particulari  
quosque fideles, constantissime comitet &  
protegat, rùm verò hic præcipue considera  
quam id fideliter præstet per gratiam seu ha-  
bitualem & sanctificantem, seu actualem.  
Etenim ubi semel expulso lethali peccato,  
nobiscum adest per illam gratiam & charita-  
tem, qua sanctificatur anima, & jus acquirit  
ad hæreditatem cœlestem, ita perpetuam  
& constantem apud eos mansionem facit; ut  
nunquam ex se nunquam prolsus discedat,  
nisi prius à nobis per immortalem culpam  
expellatur. Sponsabo te mibi in eternum, inquit  
divinus Sponsus. Ego verò, ait infidelis spon-  
sa, pro tempore aut pro libito meo, te admittam  
aut repellam! obstupefac ad tantam per-  
fidiam!

Itane verò Sponsus expulsus exciderit à  
charitate quæ non excidit? Ecce ego, inquit  
ille perseverans per gratias suas actuales, ecce  
ego ad gentes, quæ non in vocabat nomen meum.

Hayneus vsc Pars II.

Expandi manus meas tota die ad populum incre-  
dulum, qui graditur in via non bona, post cogi-  
tationes suas: populus qui ad iracundiam provo-  
cat me, ante faciem meam semper. Et rursum:  
Hoc dicit Dominus, invenit gratiam in deserto Ier. 51.  
populus, & in charitate perpetua dixit te, ideo  
alterazi temerans; Quæ de gratia excitanti-  
bus ad conversionem a peccato dicuntur, &  
ad fervorem à tepiditate mentis, unde satis  
pater, quam sit ejus firma constansque dilec-  
tio. Si quid verò in hac materia potentissi-  
mum requiras, sive ad plenus cognoscen-  
dam hanc Christi Domini constantissimam  
charitatem, sive ad nostram excitandam, om-  
nino vide caput secundum & tertium pro-  
phetiarum Jeremiæ.

Atque illud quod refertur, sic in dies expe-  
rimur, ut potius cogitandum videatur de de-  
fectu & inconstancia nostræ charitatis, quæ  
vix aliquando perfectionis viam ingreditur,  
& quod pejus est, si semel viam introierit,  
tam facile & turpiter inde resilit, ut quod  
sanctus Petrus de sui temporis Apostatis & 2. Pet. 1.  
Desertoribus fidei, scripsit, nimis verè de no-  
bis dictum appareat: Si fugientes, inquit, co-  
inquinaciones mundi, in cognitione Domini nostri  
& Salvatoris Iesu Christi, his rursum implicati  
superantur, facta sunt eis posteriora, deteriora  
prioribus: Melius enim erat illis non cognoscere  
viam iustitiae, quam post agitationem retrorsum  
converti ab eo, quod illis traditum est, sancto  
mandato. Contigit enim eis illud veri proverbiū:  
Canis reversus ad suum vomitum: & sus lota Prov. 28;

Quæ quam sint gravia & damna quæ  
non videt. At verò quam sint etiam oī oī  
Deo, & qualē ejus inducent contemptum  
& injuriam, opportunè videtur expenden-  
dum, ut proposita veritas tanq; magis elucē-  
cat, quantō apparebit clarius cum illis derri-  
mentis, quæ ex tepiditate nostra proveniunt,  
conjunctam esse lumam, aut certè majo-  
rem, quam patremus, Dei optimi maximi of-  
fensionem. Hoc est enim quod melius aut pe-  
jus re vera dicitur, quod est maius aut minus  
malum. Et hoc est quod maius aut minus  
malum dici debet, quod majorem vel minor-  
rem Dei contemptum & injuriam parit.  
Nam cùm univ. sim hæc sit præcipua pecca-  
ti malignitas, ut Deum offendat & contem-  
nat: certè quod magis aliquod in particulari  
peccatum dicetur Deum offendere & conte-  
mnete.

SS. mnere,

**t. Reg. 2.** mnerere, hoc dicitur etiam quod sit major ini-  
quitas & malignitas: unde est illud Scriptu-  
rae: Si peccaverit vir in virum, placari ei poterit  
Deus: si autem in Dominum peccaverit vir,  
quis orabit pro eo? Id est, si tantum in peccato  
esset offensa hominis, non ita grave malum  
esset peccatum, sed cum sit offensa Dei, hoc  
est quod illud grave facit, & eo quidem gra-  
vius quo major in peccato inest Dei offensa  
& contemptus: Ac proinde ibidem Deus:  
*Quicunque inquit glorificaverit me, glori-  
ficabo eum: qui autem contempnunt me, erunt  
ignobiles.*

**Exech. 8.** Quod & Prophetæ Ezechiel manifestè in-  
dicavit, cùm ei varios peccantium gradus pa-  
trefecit, inter quos illi semper graviores cen-  
sentur, in quibus major Dei appareret contem-  
ptus, *Fili hominis, putasne vides quia, quid nisi  
faciant, abominationes magnas? & adhuc con-  
verlus videbis abominationes majores. Ingre-  
dere & vide. Ac rursus iteratis visionibus;  
Adhuc converlus, dixit, videbis abominationes  
majores his.*

Ah qui seipsum nosset & videret sicut vi-  
detur à Deo, vix se ipse ferret. Et qui sciret,  
quale sit monstrum vel unum leve peccatum  
quo Deus spernitur, vix coram Deo stare  
posset!

## II. PUNCTUM.

**S**ed major est Dei contemptus, retroire: quām  
non introire viam justitiae.

Nam ubi est major gratia & facultas ad  
cognoscendum & amandum Deum, ibi est  
major Dei contemptus, si nolis cum cognoscere,  
vel cognitum nolis amare. Cum enim  
cognitio & amor Dei sint tam pretiosa & di-  
vina doxa, non possunt certe rejici, quia  
magna sit injuria non modò donis sed &  
Donanti, quasi aliquid illo melius & precio-  
sius inventiri posset. At certè semel ingresso  
viā justitiae major est data gratia cognoscendi  
& amandi Dei, quam non ingresso, aut  
certè si fatis nosset Deum, quando aggreditus  
est institutum colendi Dei: cur in ipso pro-  
gressu deficit? cur retro agitur? quid est quod  
illum à divino cultu revocet? Aut aliquid  
contra obstat, aut nihil prorsus. Si nihil ob-  
stat quo minus constanter incepta via pro-  
gredieretur, nonne injuria Dei est & contem-  
ptus, sic leviter nulla de causa, sed mere-

gratis eum deferere? Quod si quid obstat di-  
cis, si quid laboriosus, si quid minus jucundi  
& utilis quam putabatur, nonne hoc injuriou-  
sum est Deo, proximo valde nocivum qui  
forsitan inde avertetur? Quid invenerunt in Ier. 2.  
me iniquitatis, ait Dominus, quia elongaver-  
runt à me, & ambulaverunt post vanam & vani-  
facti sunt?

Sicut enim valde gloriosum fuit Salomo-  
ni, cùm Regina Saba cognovit & professa est  
verum esse sermonem quem de illo audive-  
rat, & non medianam partem eorum quæ lan-  
danda vidit, fuisse relata; sic plane Religio-  
ni & ipsi Deo ignominiosum, cùm quis ab eo  
deficiens cogatur dicere, se non invenisse  
quietem aut illud bonum quod promittebant  
Scripturae. Itane lentire de Deo velles? Sie-  
nauscantes Ita faciliter super manus, & Ægyptum  
recogitantes, Deum graviter offendie-  
bant: Sic Judas proditorus Iudeis Christum,  
illos in malevolentia & cogitato facinore de  
eo necando plurimum obscuravit, cùm vide-  
rent unum ex familiaribus sic ab eo deficien-  
tem, sicque Domino gravem intulit ignomi-  
niam. Sic Paganis sapientibus tanquam gra-  
vissimum objicit Apostolus, quod, cùm cogno-  
vissent Deum, non sicut Deum glorificaverunt  
aut etiam gratas eggerunt, Itemque Galatis,  
Nunc autem, inquit, cùm cognoveritis Deum,  
imò cogniti sitis à Deo, quomodo convertimini  
iterum ad infirma & regena elementa, quibus du-  
nud servire vultis? quasi dicaret, hoc est gra-  
vius, sic retroire à Deo postquam illum co-  
gnovisti, quām si ante non cognovisses.

Unde & idem alibi: voluntariè peccantibus  
nobis post acceptam notitiam veritatis, jam non  
relinquitur pro peccatis hostia, terribilis autem  
quædam expectatio iudicij, & ignis amulatio  
que consumpta est adversarios. Quod expre-  
situs paulò ante dixerat: Impossibile est enim eos, Ibid. 6.  
qui semel sunt illuminati, gustaverunt etiam  
donum caeleste, & participes facti sunt spiritus  
sancti & prolapsi sunt, rursum renovari ad po-  
nitentiam, rursum crucifigentes sibi metis ipsi filium  
Dei, & ostentui habentes. Terra enim  
sepe videntem super se bibens imbre, & gene-  
rans herbam opportunam illis, à quibus colitur,  
accipit benedictionem à Deo: proferens autem  
spinas & tribulos, reproba est & maledicta  
proxima, cuius consummatio in combustionem.  
Ex quibus Apostoli verbis satis patet, &  
quantus sit contemptus Dei, in retrocessu

à via iustitiae seu veritatis; & quanta pœna maneat talem retrogressum ac contemptum Dei. Nonne jam expavescis ad tale impietatis portentum?

### III. PUNCTUM.

**M**elius ergo erat viam iustitiae non introisse quam retroire. Cum melius sit ex duabus malis, evitare majus: majus autem malum sit, retroire quam non introisse viam iustitiae, quandoquidem in tali retrogressu talis est contemptus Dei, quem vix alibi reperias: & qua proportione crescit hic divinis contemptus in peccatis, eadem prolus in gravitate & malitia crescunt peccata, quia nihil est in deformitate peccati deformius, quam Deum contemnere, cui honor & gloria tot debetur nominibus, ut dissolvendo debito nunquam pares simus.

Hoc primum est, quod per Prophetas conqueritur, & ad quod audiendum cœlum & terram invitat, ut testes sint quam justè conqueratur: *Audite cœli & auribus percipe terra: quoniam Dominus locutus est. Filios enutriui & exaltavi, ipsi autem speraverunt me. Expende singula: Deus spemi! spemi a filiis! a filiis enutritis & exaltatis!* Hæc valde augent injuriam! sicut autem hi filii desertores contemnunt Deum, ita & valde contemptibiles redduntur coram Deo & hominibus: coram Deo quidem, qui propterea illos a se ait: evomere, unde hæc præclara sunt Cassiani; Nec immerit eos Dominus, quos jam in viceribus receperat Charitatis, noxiè tepefactos, cum quadam convulsione pectoris sui evomendos esse pronunciat, qui cum salutarem ei quodammodo

potuissent prebere substantiam, avelli ab eis visceribus maluerunt, tanto deteriores esse illis, qui nunquam ori Dominico illari sunt cibis, quanto id, quod naufragi compellente projicimus, odibilem detestamur. Quidquid enim frigidum est, etiam ore nostro suscepimus vertitur in calorem, & salutifera pœnitentia percepitur; quod autem semel virtus perniciosa est, abjectum est, non dicamus labiis admodum, sed etiam eminus intueri sine ingenti horrore non possumus. Reclissimè ergo pronunciatur esse deterior, &c.

Coram hominibus vero quam sint odibiles & horrendi, ex eadem similitudine vomitus, Scriptura satis indicat cum eos comparat in utroque testamento cani vomitum resorcenti, & immundo animali lutum repetenti, quibus quid est foedius, quid horribilius? Horribilis profectio res est, inquit sanctus Augustinus, proprium resorbere vomitum, nec in summa quidem fame à quoquam usurpatum.

Cave itaque tepiditatem, cave negligētiā; paulatim irrepit calus & ruina. Mons cadens defluit, & saxum transfertur de loco suo. Vide Job decimo quarto, & trigesimo octavo, ubi quod queritur, de cuius utero egressa est glacies; & gelu de cœlo quis genuit! ap̄t̄ sanctus Gregorius tibi aptat, *Quod de utero Dei tanquam glacies egredieris, quando qui iam intus incalueras, ex virtutum dono frigescis.* & inde exteriorem gloriam torpido appetis, unde ad interna diligenda Ardentius flagrare debueras. Exاردلے ad fervorem. Et vide in 2. parte, Die 7. Januarii. In hac 2. parte Feriam 5. Sexagesimæ. In 3. Fer. 3. hebdomadæ 1. In 4. Fer. 3. hebdom. 18. Et verbo *Fervor, Renovatio.*

Prov. 28.  
2. Pet. 2.

In Ps. 30.

## FERIA SEXTA.

### DE EADEM CHARITATE CHRISTI

Domini, quam nobiscum semper manet in Sanctissimo Sacramento.

*Ecce ego vobis sum omnibus diebus usque ad consummationem saeculi. Matth. 28.*

#### VERITAS PRACTICA.

Quam gloriosum est Sacramento, multa

in nos posse, si velimus: tam ignoriosum est pauca posse, quod nolimus.

Ss 2

Ratio